

ուր մատուցելիստները արիւնալի խնջոյքներ են սարքում Հայաստանի կոմունիստների նկատմամբ: Հայաստանի ներսում կոմունիստական բանտրական շարժումը յաղթահարելով միայն դաշնակները կարողացան Հայաստանը վերածել իմպերիալիստների համար յուսալի մի յենարանի՝ Արեւելքի յեղափոխութեան դէմ կռելու համար:

Այն ժամանակ, երբ ամբողջ Արեւելքը բռնած է ապստամբութեան բողով, երբ Արեւելքի ժողովուրդների համագումարը երդւեցնում էր արեւելեան ժողովուրդներին ստքի կանգնելու Կոմունիստական Ինտերնասիոնալի դրօշակի տակ միջազգային իմպերիալիզմի դէմ վերջին վճռական կռիւր մղելու համար, այդ ժամանակ Հայաստանի սպիտակ աւազակային կառավարութիւնը, հրով ու սրով չափելով ամբողջ յեղափոխական Հայաստանը, քայքայելով բոլոր բանտրական արհեստակցական կազմակերպութիւնները, անդրև-ամերիկեան իմպերիալիստների հետ միասին նոր Գողգոթա է պատրաստում Արեւելքի յեղափոխական զանգւածներին:

Սակայն, ո՛չ կոմունիստական շարժումը Հայաստանում, ո՛չ էլ, մանաւանդ, Արեւելքի ժողովուրդների յեղափոխական շարժումը ոչ մի բուլէ չեն կասեցնի իրենց յաղթական արշաւը: Ընդհակառակը, արհեստով դաճիճների ձեռքով ընկած ընկերներ Ալլահվերդովի, Ղարիբջանովի, Ղուկասի և ուրիշ շատ շատերի մահը, տառնեակ ու հարիւրաւոր ապստամբների մահացումը Հայաստանի խաւ ձորերում, լաւազոյն ապացոյցն է, որ «խաղաղեցւած Հայաստանը» իր մէջ թաղցնում է ներքին յեղափոխական ոյժ, որ որոշ պատմական րոպէին դարձեալ կռիւ կը սկսի, որպէսզի երկրի երեսից վերացնէ պատմութեան ընթացքը հրով ու սրով կասեցնել ձգտողներին:

Մենք ուխտել ենք տալիս Հայաստանի արիւնաքամ եղած բանտրագիւղացիական զանգւածներին՝ չենթարկել աւազակային խմբերի ցածոգի պրովոկացիային, այլ յամառօրէն ու համբերութեամբ հաւաքել իրենց ցան ու ցիր եղած ուժերը իրենց դասակարգային մարմինների շուրջ, արթուն ունկնդրել կոմունիստական կուսակցութեան ձայնին, որի լաւազոյն տնդամները իրենց հերոսական մահով բացին ապստամբման ճամբան:

Մենք դիմում ենք Պորհրդային Ազրբէջանի բոլոր բանտրական կազմակերպութիւններին, Կոմունիստական Ինտերնասիոնալին, Գործունէութեան ու Պրոպագանդի Պորհրդին և Արհեստակցական Միութիւնների Միջազգային Պորհրդին՝ մեզ հետ միասին բողոքի ձայն բարձրացնելու Հայաստանում իշխող սպիտակ տեռորի դէմ:

Թո՛ղ իմանան դեղին Ինտերնասիոնալի սոցիալ-դաւաճանները, որոնք թիֆլիս եկան և սրտազեղ ընդունելութիւն դտան իրենց բարեկամների — դաշնակների ու մենչևիկների կողմից, որ այդ երկրների երևութական բարօրութիւնն ու անդորրութիւնը պահւում է ահարկումով ու յեղափոխականների դաժան սպանումով, Հայաստանի խոնաւ բանտերում կախաւորւած հարիւրաւոր բանտրների ու դիւղացիների տառապանքներով ու քաղցով:

Մա՛հ Հայաստանի բանտրների ու դիւղացիների վրա բռնութիւն կատարողներին:

Կեցցէ՛ յեղափոխական Արեւելքը:

Կեցցէ՛ Ինտերնասիոնալը:

Հայաստանի Կոմունիստ. Կուսակց. Կենտր. Կոմիտէ: Ագրբէջանի Արեւստ. Միութիւնների Խորհրդին Կից գտնուող Արեւստակցական Միութիւնների Արեւելեան Բիւրօ: Նախագահութիւն Ագրբէջանի Արեւստակցական Միութիւնների Խորհրդի»: